

# JOANNIS MARSICANI

TUSCULANI EPISCOPI

## CONCIO AD POPULUM ROMANUM

*Et injuriam summi pontificis, cum suis ab Henrico imperatore tenti et conciis affecti  
ulciscantur*

(BARON., *Annal.*, ad an. 1111, n. 11, 13.)

Licet, charissimi filii, alacritati virtutique vestrae stimuli adhortacionum adhuc videnti non sint, cum verbis neque ex imbecillo strenuus, neque robustus quispiam reddatur ex timido, omnis enim vobis est pro vita et pro libertate, pro gloria, pro defensione apostolice sedis pugna omneque certamen est; haec omnia in manibus vestris sunt constituta. Nam qui pacem desiderat, præparet bellum. Filii vestri contra jus omne, contra fas tenentur in vinculis: Petri apostoli basilica, toto orbe terrarum venerabilis, armis, cadaveribus, sanie et cruento plena est. Quid autem ex hoc summam omnium malorum conjicere possumus? Quæ unquam audita est immanior peccatio? Pontifex apostolicæ sedis a barbaris homini-

A bus tenetur in vinculis; omnis sacerdotalis ordo, tota ecclesiastica dignitas caroepi ac tenebris addicta est: lugent ministri Domini, altaria sancta lacrymis madent; ipsa prorsus mater Ecclesia attrita gemit, imploratque opem vestram: filios ut se tantis cladibus eruant, moerens orat et obsecrat. Quocirca rogamus affectu quo possumus, periclitanti succurratis, et ad ulciscendam matris injuriam toto animo, totis virtibus incumbatis. Nam si adsint qui obsistant, fugere hostes, quam consistere, paratores erunt. Itaque alacriores insurgatis ad tantum ulciscendum scelus, de Dominj nostri et beatorum apostolorum Petri et Pauli misericordia confidentes, ab omnibus vos peccatis abeolvimus.

## JOANNIS EPISTOLA AD RICHARDUM ALBANESEM EPISCOPUM

*De nequiter actis ab Henrico imperatore*

(BARON., ubi supra.)

JOANNES, Dei gratia, Tusculanus episcopus, agens vicem domini Paschalis papæ vincit Jesu Christi, venerabili fratri RICHARDO Albano episcopo in Dominum salutem.

Quoniam, sicut ait Apostolus (*Rom. xii*), unum corpus sumus in Christo, et si patitur unum membrum, cætera membra compatiuntur, quæ de capite nostro, et de tota fere Ecclesia gesta synt, fraternitat tuæ significamus. Cum igitur Henricus, Teutonicorum rex, Sutrium pervenisset, legatos quosdam Romanum direxit, qui jurejurando firmaverunt, domini papæ Paschalis legatos secure ducere, et regem ipsum sacramento firmare, omnem ecclesiarum investituram penitus abdicare, obsides etiam dare, ne ad hoc flagitiū iterum rediret, et res ecclesiasticas, et regalia, ac beati Petri patrimonia libera et

B quieta omnino dimittere, obsides etiam dare pro securitate, cum ad coronandum eum ad beati Petri basilicam exiret. Postea ex parte Ecclesiae a laicis viris firmatum est, si ista quæ promissa sunt, jam dictus rex observaret, quod dominus noster eum benigne susciperet, et ei diadema regni imponeret, et coronatus, si vellet, Urbem intraret. Pro transitu etiam pontis obsides accepit, pro quibus sacramentum exhibuit, quod in ipso die Dominico si pontem transiret, eos in liberam nostrorum restitueret potestatem. His igitur omnibus sacramentis ex utraque parte peractis et obsidibus datis, cum ad coronandum eum ad ecclesiam B. Petri papa exiret, postpositis sacramentis et dimisiis obsidibus, eum in ipsa ecclesia cum episcopis et cardinalibus, et multis Romanis violenter cepit, et in captione arctissima detinet.